

**Հ Ա Մ Ա Տ Ե Ղ Հ Ր Ա Մ Ա Ն**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ԵՎ  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ  
ՊԵՏԱԿԱՆ ՀԱՆՁՆԱԺՈՂՈՎԻ ՄԻՋԵՎ ՓՈԽԱԴԱՐՁ ՏԵՂԵԿՈՒԹՅՈՒՆՆԵՐԻ ՆԵՐԿԱՅԱՑՄԱՆ  
ՁԵՎԸ ՍԱՀՄԱՆԵԼՈՒ ՎԵՐԱԲԵՐՅԱԼ**

Հիմք ընդունելով «Նորմատիվ իրավական ակտերի մասին» օրենքի 2-րդ հոդվածի 1-ին մասի 8-րդ կետը, «Տնտեսական մրցակցության պաշտպանության մասին» օրենքի 28-րդ հոդվածի 1-ին մասը և ղեկավարվելով Հայաստանի Հանրապետության կառավարության 2002 թվականի հոկտեմբերի 3-ի թիվ 1584-Ն որոշման 1-ին կետով հաստատված հավելվածի 2.2-րդ կետով՝

**ՀՐԱՄԱՅՈՒՄ ԵՆՔ՝**

1. Հայաստանի Հանրապետության պետական եկամուտների կոմիտեն (այսուհետ՝ ՊԵԿ) գաղտնիք համարվող տեղեկատվությունը Հայաստանի Հանրապետության տնտեսական մրցակցության պաշտպանության պետական հանձնաժողովին (այսուհետ՝ ՏՄՊՊՀ) տրամադրելու նպատակով, ՏՄՊՊՀ-ին ապահովում է ՊԵԿ-ի՝ նշված տեղեկատվությունը պարունակող էլեկտրոնային համակարգերին առցանց հասանելիություն:
2. ՊԵԿ-ի և ՏՄՊՊՀ-ի միջև գաղտնիք հանդիսացող տեղեկատվության փոխանցումն իրականացվում է գաղտնիության ռեժիմով ապահովված հատուկ տեխնիկաձրագրային ուղիների միջոցով:
3. Սույն հրամանի 1-ին կետով նշված տեղեկատվության տրամադրման ապահովումն իրականացվում է ՊԵԿ տեղեկատվական տեխնոլոգիաների վարչության պետի կողմից իրավազորված աշխատակցի միջոցով:
4. Սույն հրամանն ուժի մեջ է մտնում հրապարակմանը հաջորդող օրվանից:

Հայաստանի Հանրապետության  
պետական եկամուտների կոմիտեի  
նախագահ  
Դավիթ Անանյան



Հայաստանի Հանրապետության  
տնտեսական մրցակցության  
պաշտպանության պետական  
հանձնաժողովի նախագահ  
Գեղամ Գևորգյան

